



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Symbolum XXII. Pyramus & Thisbe, amoris impuri victimæ.

[urn:nbn:de:hbz:466:1-68709](#)

SYMBOLVM XXII.

Pyramus & Thisbe, amoris impuri victimæ.

4. Metam.

Ethicè.

Principium, progressus, & exitus amoris pravi.

Quod Franciscus Petrarcha, vir doctissimus, dialogo 61. scripsit, *amorem impurum esse latentem ignem, gratum vulnus, sapidum venenum, dulcem amaritudinem, delectabilem morbum, jucundum supplicium, blandam mortem*, id *Pyrami & Thisbes fabula exemplo non minus luculento, quam formidando, lascivè amantibus ostendit*. Narrationem rei ex candidato Rhetoricæ P. Francisci Pomey accipe.

Pyramus & Thisbe apud Babylonios forma, ætate, moribus ac conditione pares, amare pariter inter se cœperunt ab ipsis penè cunabulis. Amorem peperit ædium vicinitas (erant enim contiguæ) consuetudo puerilis aluit, rara in utroque forma perfecit. Crescit tamen cum annis amor; & jam ætatem attigere nubilem, iniréntque nuptias, ni parentes abnuerent ob simultates veteres, quas jam pridem exercebant. Itaque ne quid moliantur liberi, contrà quam parentibus placet, colloquio, mutuoque conspectu, ipsis interdicitur. Quid aget Pyramus? Quò se vertet Thisbe? paries erat *domui communis utriusque*; & in pariete tenuis rima, domesticis hactenus ignota; per hanc

Murmure blanditiæ minimo transire solebant.

Transibant & suspiria. Sed amplior erat amor, quam ut per rimam tam arctam commearet. Ergo statuunt proxima nocte libertatem, quam potiri non valent domi, querere foris, & in nemus moenibus proximum perfugere. Constituitur locus, umbra mori, arboris proceræ, fontem opacans. Pacta placent; adventat nox; Thisbe elusis custodibus egreditur prior, & ad nemus advolat; (alas namque addebat amor.) Cùm ecce tibi leæna à boum cæde recens, venit,

Depositura sitim vicini fontis in unda.

Ferrata Thisbe, fugit in antrum quoddam; & fugienti, retro versa capitis cecidit, quod inventum leæna à fonte redux, ore, ut erat cruentato,



cruentato, laniat. Sub hæc Pyramus adeit; cernit vestigia feræ altè impressa fabulo, móxque Thisbes amictum lacerum, & cruore tintatum. Illicet, suam vitam extinctam ratus, & disceptam belluæ dentibus, amore in furorem verso, tendit amens animi ad condictam arborem; ibique non inventa Thisbe, incumbit in ensem, & vitam profundit cum sanguiné. Thisbe interea collegerat à pavore animum, & ad morum properabat; jámque propè aberat, cùm

---- Tremebunda videt pulsare cruentum

Membra solum.

Hæret illa primùm, horrore perculta, pedémque refert, stupenti similis:

Sed postquam remorata suos cognovit amores,
In amplexum morientis ruit, immiscet lacrimas cruori, & amantem amplexata:

Pyrame, clamavit, quis te mihi casus ademit?

Pyrame, responde, tua te charissima Thisbe

Nominat; exaudi, vultusque attolle jacentes;

Ad nomen Thisbes, oculos in morte gravatos

Pyramus erexit, visaque, recondidit, illâ.

Hic Thisbe, dolore exanimis, laniare genas, pectus tundere, capillos vellere, uberrimoque fletu rigare frigentis genas, nullumque facere lugendi finem; quoad velamen cernit suum in dextra Pyrami, laceratum, cruentumque. Tum verò, mortis causam facile agnoscens, quidquid supererat virium, colligit; avulsuque ferrum, quod adhuc habebat in amantis pectore, altè defigit in suum, & collapsa supra jacentis corpus, extremum in ejus ore atque sinu, spiritum exhalavit. At arbor, mirum dictu! utriusque tepefacta sanguine mortem sensit & luxit. Et quæ jam erubuerat, fuso Pyrami sanguine, moris, quæ prius alba fuerant, dolore rubefactis; geminato funere, atrata visa est, funebrèmque traxere ac nigrum, mora colorem.

Ethica.

(a) Atque huc perduxit pullos suos malesuada Venus. Examinemus principium & progressus ad finem tam amarum perducentes. Primo, habitarunt Babylone; de qua urbe nobilis historicus: Nihil urbis ejus corruptius est moribus, nihil ad irritandas, illiciendasque im-

O 3

modicas

(a) Principium, progressus, & exitus amoris impuri.

modicas cupiditates instructius. Curt. lib. 5. c. 5. adeò multùm inter-
est, quo in loco quis educetur; non enim omnis fert omnia tellus; vi-
tia quibusdam in locis, ut

In felix lolium, & steriles dominantur avenæ.

Multùm interest, quo ubere lactata sit proles, quo nata solo. Quid
enim temperantiae à Sybaritis, quid candoris ab æthiopibus, quid hu-
manitatis à Scythis, quid fidei à Cretensibus exspectes? prima juventu-
tis corruptela à cunis incipit; quod si mala herba suffocetur in ortu, id
vel indolis felicitati, vel boni curæ magistri tribue. Deinde amantibus
istis primum libidinis invitamentum fuit, domorum propinquitas; teste
Poëta:

Notitiam, primosque gradus vicinia fecit;
Tempore crevit amor.

Igniculi scilicet primi ex frequenti occursu, mutuoque aspectu gli-
scabant; hinc illud incendium, non nisi utriusque sanguine restinguendū.
Monet Pelignus Vates epist. 16.

Dum novus est, coepio potius pugnemus amori,
Flamma recens parvâ sparsa recedit aquâ.

Et lib. 2. de remed. amor.

Proximus à tectis ignis defenditur ægrè,
Utile finitimis abstinuisse bonis.

Sequitur in fabula:

Conscius omnis abest: nutu, signisque loquuntur,
Quoque magis tegitur, tantò magis æstuat ignis.

En indolem pravi Cupidinis. Parentibus vetantibus, quod palam
non licebat, occultis signis peragunt. Juxta Maronem Georg. 3.
----- alitur vitium, vivitque tegendo.

Hic locum habet illud Sacrorum adagiorum: aquæ furtiva dulcio-
res sunt, & panis absconditus suavior. Prov. 9. Nam quidquid non li-
cet, magis desideratur. Pyramus & Thisbe cum aliter convenire non
possent, per interjuncti parietis rimas colloquebantur. Ad Pestem ad-
mittendam non opus est magno ostiō; lethale libidinis venenum per
minimam aperturam instillatur. Religiosus castitatis doctor, non mag-
ni, inquit, nobis est una libidinosa cogitatio, aspectus feminæ curiosior,
aliquot verba liberiū prolata; sed ita cogitationes augentur & crescunt,
aspectus iterantur, verba non jam licentiam tantum, sed lasciviam olen-
t: ab his paulatim transitus fit ad alia, quæ inter levia quoque numer-
mus,

mus, ut sunt litteræ parūm virgineæ, annuli, chirotheculæ, flosculi, bulle aureæ: munuscula alia, dono missa, aut accepta; inde lectiunculæ & cantilenæ parūm pudicæ, inde tactus invercundi, inde alia atque alia, mihi non nominanda. Hierem. Drexel. lib. 2. Nicetæ. c. 12. Ita per rimam, per tenuissimum foramen, primam mali labem traxere Pyramus & Thisbe, per angustissimum hiatum serpsit flammula, quæ mox in flammarum excrevit; factumque, quod Poëta de Didone Æneæ amoribus capta refert Æneid. 4.

At regina gravi jam dudum saucia cura

Vulnus alit venis, & cæco carpitur igne.

Hic calor non tantum in præsentes, sed etiam in distantes & muris separatos agit; experti sunt amantes hi, jämque gravius sentiebant Veneris sive facem, sive jugum, quam ut excutere possent. Seneca in Hippol.

Qui blandiendo dulce nutrivit malum,

Serò recusat ferre, quod subiit jugum.

Quid igitur? eò procelerat amoris vehementia, vel potius insania, ut noctem consiliorum suorum adjutricem adhiberent:

Multa prius questi, statuunt sub nocte silenti

Fallere custodes, foribusque excedere tentant.

Verè in Elegijs Ovidius:

Nox & amor, vinumque nihil moderabile suadent,

Ille pudore vacat, Liber, Amorique metu.

De Thisbe prosequitur Poëta:

Callida per tenebras, versato cardine, Thisbe

Egreditur, fallitque suos, adopertaque vultu

Pervenit ad tumulum, dictaque sub arbore sedit.

Jam propior fit exitio suo puella. Atque hoc ipsum est, quod castitatem vendibilem facit, nocturnus & clancularius ex ædibus egressus. Monet parentes Siracides. c. 26. In filia non avertente se, firma custodiā, ne inventa occasione, utatur se. Id est, si habes filiam non avertentem se ab intuitu & conversatione juvenum, sed in omnes liberè oculos conijcientem, omnia petulanter circumspectantem, omnia invercundè lustrantem: observa & custodi eam, ne data occasione, abutatur sua libertate, lasciviā, incontinentiā, séque permittat ac dedat libidini. Quod si pedem insuper extra lares de nocte efferat, remedium adhibe, quod Maro suggerit lib. 3. Georg. de ovibus loquens: quam videris

---- seræ

---- Seræ solam decidere nocti,

Continuò culpam ferro (bubulo nervo) compæce.

Nec minor filiorum & cæterorum domesticorum habenda cura, ut omnes noctu sub clave sint. Origenes in cap. 1. Job. Omnia, inquit, quæ deliquerint filij, de parentibus requiretur, qui non erudierint, neque corripuerint eos. Hinc puella, quæ virginitatem suam prodidisset, jubebatur in lege veteri ejici extra fores patriæ domiñ, & lapidibus obruí. Deut. 22. Atque, ut vult Oleaster, ante ipsas parentum ædes supplicium irrogabatur, ut documentum sumerent alij, qua cura, studioque filiæ sint servandæ.

Sed furtivi hujus amoris quis denique finis extitit? Lusus suos Venus, ut solet, in tragœdiā mutavit, & animorum vulnera Cupidineis sagittis facta, in corporis quoque interitum, carnifice gladio, vertit. Nec rara sunt etiam hodie ejusmodi funera, simul tumulo, simul orco inferenda. Romæ Veneris & Libitinæ templa conjuncta erant, ut sciretur, brevem ab illa ad hanc esse transitum. Nota est historia de Lubecensi juvne, qui exhaustis opibus, proculcatis matris viduæ monitis, precibus, lacrimis: unius mulierculæ blandimentis eò deductus est, ut denique egens, mœrens, desperatus, cultrum per medium pectus adigeret, hærentemque in orbem rotaret, suppicio in eam corporis partem incumbente, in qua primam sceleris pestem hauserat. Cadaver in profano sepulchreto humatum avexerunt mali dæmones, cuius indicium fuit labes tumuli, altera post nocte vacui. Et verò quis amantium, an potius amentium stultitias & insanias explicet. Hinc passim in libris, quod alibi scripsi, versuti lenones, fallaces lenæ, pellaces Thaides, deceptæ Europæ, illusæ Danaæ, viætæ Atalantæ, infelices Thisbæ, ingeniosæ Aradnæ, Zelotypæ Deianiræ, ultrices Medæ, animosæ Lucretiæ, rivalium pugna, Briseides: amoris victimæ Pyrami, amandi artifices Leandri, defleti Adonides, mactati proci Penelopes, raptiores Helenarum Parides, horumque similia propudia, in quibus Venus & Cupido paratragœdiantur. Leandri meminimus, juvenis Abydeni, quem puellæ Sebastenæ, Erus seu Herus amor adeò impotenter rapuit, ut, cum ea in oppositi littoris oppido Sesto habitaret, non dubitaret noctu per fretum tranquillum ad eam tranare. Quod ubi aliquoties feliciter eccliderat, factus audacior, etiam mari tumido & impacato se commisit; sed vi ventorum, fluctuumque vietus, cum submergeretur exclamâsse dicitur:

Parcite dum proprio, mergite dum redeo,

Adeo

Adeò ne inter undas quidem ignis ille, qui devorat usque ad perditionem. Job. 31. extingui potuit. Neque fabulæ modò, sed etiam historiæ amoris improbi tyrannidem produnt. Boterus refert lib. 9. c. 3. Politic. Galeatus Martuanus, vir sane impiger, Papiae cum hibernaret, fortè in ponte puerilam, quam unicè amabat, obviam habuit. Ea, ut per blandam aliquam jocandi speciem, amantem ad colloquium invitaret: Quin tu, inquit, bellissime amator, qui tantum tibi armatus in acie places, è ponte in amorem, amoris gratiâ, desilis? Hoc ille audito, concitato repente equo, fese in flumen præcipitat; equo exanimato, vix Ticino natabundus emersit. Alius ex hoc Phrygum genere, illustribus natalibus oriundus, auricularem sibi digitum præscidit, eumque litteris insertum, in pignus amoris ad amasiam misit. Hoc Bruxellis contigit; quod jam narrabo, Gandayi accidit. Prænobilis viri filius super puellæ, quam deperibat, pectus, fortè acum conspexit; quam sublatam ori inseruit, simûlque cum ea mortem deglutivit. Taceo plura hoc oestro percitorum in utroque sexu exempla; unum hoc, quod gravissimus historicus scribit, præterire nequeo. Granatæ servulus captivus herilem filiam in amorem sui, & fugam ex ædibus paternis pellexit. In sequente hero cum famulis, in altam rupem evaserunt; cumque ad hortatus mitiores descendere nollent, sagittis in eos pugnatum est. Adacti desperatione, quod unum restabat, mori eligunt, & mutuo complexu arctè colligati, ab ea parte, quâ sœvus pater imminebat, fese præcipites devolvunt. Sic in subjectam vallem delati, miserrimè sunt extinti. Nomen loco Petra *amantium*, iùmò *amentium* hæsit, nam ruinam hanc gravior secutus casus, ambos in imum tartarum præcipites traxit. Hunc ludum ludit Cyprius puer, hoc toxicō suum miscet philtrum & furiatas mortalium mentes in exitium rapit. *Mariana in hist.*



P

SYM-